

能據理防啓請並推考重治以防後弊答曰如啓○傳曰淨土

寺非他雜寺之比牟懿淑公主世祖女中宗為時養一墓朔

望行祭時內需寺例往此寺熟辦祭物與陵寢之寺一例也本

月初三日以惠旨大祀之教遣內官摘奸則儒生多往頓

無出去之意今後一切禁止事言于禮曹○日暈有兩珥夜月

微暈坪方巽方東方如火氣

丁卯昇時大學生出清濁榜於清榜者四人利淳即其首也

南宮忱亦與焉有一士指點沈銓之名戲之曰年少之人得為

指通源沈鏞也月且之評黨鉅之禍所以起也朝廷之上辨別

君于小人使之各得其所則可矣大學諸生互相標題分其清

濁至於出榜則恐非大中至正之道也自頃年

戊辰禮曹啓曰儒生之意必以為淨土非如陵寢之寺自先

朝儒生之讀書于此其來已久頃者雖有禁令而實非聖上

崇信之意以是自恃而致有如此之事今若聞傳教之意則儒

生自當退去以該曹設法禁之事體未安一令雖微而所關其

重敢啓答曰啓意知道儒生聞教自退無妨不必設法禁也○